

劉

氏

鴻

書

第一百一卷

紀麗部四

稽踪

帝王異號

古臣異號

古將異號

輪迴事

道宦

僧宦

僧道進士

僧拜大位

道拜大位

內職將相

闈豎宦

女宦

女子男官

女執國政

女作男子

紀異

紀同

空桑氏

蘓秦嘆

東陽女子

翟公門

文君琴操

與相如書

爲相如誄

任安田仁

霍仲孺

人生有命

武侯妻

蕭國師

穆廟事

海忠介與司馬同

爲湖先生

劉氏鴻書卷二百一

明 宣城劉仲達 纂輯

紀龐部 四

太史湯賓尹 刪正

稽踪

帝王異號三家

皇三

五泰

帝五

天靈望獲

皇天

岳鏗

皇地

九皇氏

九人兄弟

愷胡洮

皇並人

古皇大巢氏始君

巢氏三有

遂皇

皇燧

史皇

氏蒼頡

泰皇羲皇方牙庖犧

皇人

女皇女希媧皇

媧女

栢芝

皇栢

釐連釐蓄

昆連

赫蘇

赫胥

權大

葛天

農皇帝魁烈山氏連山氏

四神農

歸藏氏帝鴻玄律

三皇帝

窮桑氏白帝

少昊

犧軒

伏羲軒轅

炎昊

炎帝少昊

軒唐

軒轅唐堯

玄王

契

祝誦祝酥

祝融

豨韋几遽

古二

帝蠶叢魚鳧二古蜀帝祖龍始皇灞上真人漢高銅馬帝白水真

光武聖劉天王陳聖劉太平皇帝漢哀躍馬皇帝公孫述大耳

兒大耳龍先主鼠子魏文帝謂孫權解事天子隋梁師都天可汗掃國

真人唐太宗天皇唐高祖應天皇帝唐中宗金輪皇帝武后兵丹

上聖唐憲宗小太宗唐宣宗玉環天子楊貴妃文佳皇帝唐女

碩真兒皇帝晉石敬瑭事田舍翁宋高祖太平天子宋太宗來和天

尊宋真宗赤脚大仙宋仁宗捉雞漢宋光宗浪子皇帝教主主道

君皇帝宋徽宗無愁天子北齊後主花項天子獨眼龍後唐李

黃須天子魏仁成威王瞎兒天子晉時童謠云常見瞎兒作

秃瘡天子趙光遠頭秃欲謀反人笑之曰安庶人天王

晉燕王盛壯烈天王姚萇謚符堅

天上大仙周太祖郭威

劉氏祭酒吳

漢蕭問大夫劉張

黃口小兒文襄

李天下後唐莊宗自呼北方

小堯舜金主

巨公漢武時有老父牽狗曰吾欲見巨公指天子也

盧修王楚素王

孔子後國稱日沒處天子揚帝

日出處天子倭國白板天子無

古臣異號風流宰相

安救時宰相姚崇

清白宰相杜衍小車

宰相田于

五分宰相胡氏謂趙鼎

真宰相材太宗稱寇準

風力相

國素真漢相

王商長八尺餘容貌絕人單于來朝仰視却退天子聞而歎曰真漢相也

通明

相翟方

真宰相隋高穎唐魏元

貧宰相龐穎

任職相陳

和盧懷伴食宰相

宰相器王將相器王

聖相李沅又李

度計相張蒼 儒相元王 真相皮日休 內相陸贄 黑王相王

公尹繼倫 黑頭三公諸葛 折臂三公羊祜 魚頭又曰跋

叅政魯宗 一代宗臣蕭何 三代遺直魏徵 三代遺才孔明 社

稷良臣裴度 江左夷吾王 紗籠中人李藩 有脚陽春唐宋 璟

恩時人稱之 清白吏楊震 真聖人李沉 柱石臣王 白衣夔崔 大忠

大雅王旦 小杜杜宗先 為將相杜審權 青錢學士張

碧山學士張 瘦羊學士甄 小笏學士楊 小兒學士宋 斗

酒學士王績 東頭學士唐敬 北門學士劉偉 八磚學士唐

程真學士王 真侍講文彥博 ○驄馬御史桓 落鵬

御史高駢 金珠御史王 鐵面御史趙 鐵肝御史東城 稱天

子御史

龐籍

白衣御史

陳賓

無官御史

神宗謂大學士

黃沙御史

高

光祿

南鷄北鶯

崔洪

老虎

崔洪

皂鵬

御史

王志

三豹

唐王旭

黑豹

李

高寺豹王

○太平官府

唐崔謨

一路福星

鮮于

社稷之器

蘇

真刺史

賈逵

鐵腳刺史

唐鄭德本

薛大鼎

鐵面李

李敏

為四

法不怨

白虎吏

王業

○紫馬太守

謝靈運

折臂太守

劉之

天下長者

孟舒

水晶燈籠

張中甫

照天蠟燭

均

鐵面少府

出元

休

良二千石

柳世隆

真太守

劉敞

好知府

張詠

獨立使君

裴使為河

霹靂手

裴琰

鄭開門

晉公亮

強項令

董宣

齋馬令

李匡

唐馬

聰明尉

魏奉古

千里眼

楊逸

楊鐵鎗

楊友

健令

李匡

速傳

聖

傳僧祐

與子琰

皆

聖君

曹德

余佛

余崇

神父

鮑德

慈父

宋登



房彥謙 唐智明魏 神君 平孔奐 慈母 辛公義 賈父 賈彪 召父 召信 杜

父 杜預 杜母 杜崇 金佛 宋余崇 卧虎 蕭惠開 卧彪 李崇 白身判官

楚 令狐 三不開 馬胤孫 旱母 梁崔 胡蝗 石勒 ○十錢主簿 智慶 折竿

主簿 程顥 入鐵主簿 許慎 短主簿 王珣 裏頭水 祝天 著脚琉璃

和 甄 ○真古司直 毛玠 真社稷臣 蕭瑀 真義士 豫讓 真忠臣 王常 真

君子 王友 真賢人 荀收 真鐵漢 劉器 真諫議 唐蕭鈞 真諫官 李景

伯 真鹽鐵 真吏 裴日休 鐵補缺 唐貽德 玉界尺 趙光逢 盡力

吏 司寇 白馬生 張 清河公 楊素 白鳩郎 徐憲 甘棠港 王審

知有德政 號其 列大夫 荀况 玉笋班 唐蔣凝 阿龍超 王導 解事舍人

齊 濟 三閭大夫 屈原 了了令史 戴法興 南宮眉目 溪儒

吏倪

寬

顏彪

項延之好直諫

行秘書

唐太宗出門有司請載副書以從上曰有虞世南在此行

也

水蘖聲

飲水食蘖言宋王質清苦之名

豪強熱服

朱

連底清

連底清

郎清卿

並表

伴飯指揮使

五季軍頭無戰功者

乳虎

竇成為中尉醉人號之

蒼鷹

鄧都馬中尉

人號

屠伯

嚴延年

小狗

荀純荀

多田翁

盧從願

饑鷹侍中

盧杞

蘇扛佛

蘇監祭

麻胡

石勒將性暴險有兒啼卽止恐之以麻胡來啼卽止

古將異號大樹將軍

馮

紫髯將軍

孫

嫖姚將軍

霍去病

伏

波將軍

馬

智勇將軍

欽

白馬將軍

龐

黑稍將軍

南宋干栗碑武

號黑稍公

百番叅軍

紂

熊虎之將

關羽

神通大將

李

業

中興名將

周昉

吳國大將

魯

落鵬都尉

北齊

白馬

長史公孫射鵬都尉北魏秦江表虎臣吳徐盛黃駒少

年裴關西男子常叔真將軍周亞夫真純臣李真將日

休謂郭飛將軍李廣為北平太守娘子軍唐太宗妹平

號娘髯叅軍超疾雷將鄭着翅人韓肉飛仙沈分身將

梁葛從周臨陣東地上虎薄地鴉呂彥小由基陳堯

朱落鴈梁朱祭征虜祭鬻翁馬王金鎗王彥赤老樞

青一各柴武行飛將呂布猛將賀若弼鬪將賀若弼

虎騎將賀若弼謂飛豹晉王癡虎許韋虎梁韋賈督賈

鷓軍李克南八南黑宇文迴落北齊人見之而避落激虎

侯曹操稱蕭娘梁王呂姥呂僧陳姥隋陳段姥隋

許楮○蕭娘宏呂姥珍陳姥稜段姥達

福將

正欽

邊菩薩

邊鎬

○天公將軍

又大方將軍張角稱

地公將軍

又小方將軍角弟寶稱

彌天將軍

張漢純友

宇宙大將軍

梁侯景

九虎將

軍

王莽拜九將稱

衝天大將軍

黃巢自號

淮海長鯨

侯景

襄陽短狐

蕭晉

輪迴之事正史載羊祐前身爲李氏子若此類見于紀

載者不可勝述余聊記古之名人數條于此蔡邕是張

衡後身

同芸小說

顧總是劉禎

玄怪錄

邊鎬是謝靈運

王壺清話嚴

武是諸葛武侯

代醉編

韋臯亦是武侯

宣室記

房瑄是未禪

師

東坡詩序

韓滉是仲由

神仙感遇集

范祖禹是鄧禹

家傳

劉沆是

牛僧孺

事文類聚

張方平是瑯琊寺僧

冷齋夜話

東坡是五戒和

尚

捫蝨新話

史彌遠是覺闍黎

隆山雜志

馮京是五臺僧

孫公談圖真

西山是草庵和尚

癸辛雜誌外集

黃山谷是涪陽誦法華一女

子

春渚錄

趙鼎是李德裕宋高宗是錢鏐

坦齋筆錄

王十朋是

族叔之師嚴伯威

梅溪文集又王自有詩云石橋未到

神先到日裡還同夢裡時僧教我名

劉道者前身曾寫石橋碑石橋乃天台五百尊羅漢洞口也

王安石是秦王

貴耳集

岳

陽王蕭譽是許玄度詢

寓簡

袁滋是西華坐禪和尚

逸史至

本胡尚書澗是天池僧王新建守仁是入定僧皆彰著

者也

天都載

先爲道士仕宦者唐侍中魏徵丞相盧程先仕宦後爲道士者唐禮部侍郎賀知章又河南叅軍鄭銑朱陽丞郭僊舟以獻詩罷官度爲道士○先爲僧而蓄髮仕宦

者宋湯惠休唐賈島蔡京先仕宦而削髮爲僧者南齊  
劉勰梁劉之遴張纘宋饒德操皆名士也勰卽著文心  
雕龍者法名慧地一年而卒纘爲執政方岳之遴官禁  
秘以侯景亂削髮尋皆爲湘東王所醜死又北魏元大  
興以西河王衛尉卿削髮名僧懿

苑委餘編

爲僧爲道而舉進士者唐劉軻前後仕宦而中爲道人  
者梁伏挺爲行者唐徐安貞挺安貞皆以居官有罪懼  
發故也○由僧徑拜大位者唐左衛大將軍梁國公懷  
義元太保叅議中書省劉秉忠明太子少師姚廣孝懷  
義嬖倖不足言秉忠廣孝皆名臣廣孝不蓄髮不婚娶

○由道士徑拜大位者唐嵩山于什方爲正諫大夫同

中書門下平章事葉靜能爲國子祭酒鄭普思爲秘書

監尹愔爲諫議大夫仍以道士服治事明邵元吉爲禮

部尚書陶仲文爲少師恭誠伯○有內職而移爲將相

者中書令樞密使漢官兼內外人者將行卽大長秋有

內臣而真爲宰相者秦丞相趙高魏太師大司馬都督

中外諸軍錄尚書馮翊王宗愛唐尚父司空中書令博

陸王李輔國南漢太師內樞密使龔托宋太師領樞密

院事廣陽王童貫少保梁師成元大司徒頴中書左丞

相李邦寧有儒臣而入爲內臣者太史公司馬遷爲中

書令有內臣而出頽儒臣者內侍監魚朝恩兼判國子祭酒南漢至狀元及第及雅士名儒俱先下蚕室而後得入用事抑何不幸也○樂邑初以天闈爲中黃門後陽道開通自言出列卿郡張平養子通於平妾因自割其勢後事符堅至大將封侯號萬人敵史不載其割勢事見十六國春秋楊素弟約少爲查所傷遂成宦者後爲內史令封郡公而無子樊叔畧長九尺被腐爲高氏給使殿省走周累典大郡封清鄉縣公謚曰襄見循吏

傳

宛委餘編

女子爲女官者女侍中後魏元義妻胡氏齊高岳母山



氏趙彥深母傅氏南漢盧瓊仙女尚書魏明帝選知書  
女子爲之女學士唐德宗朝貝州宋氏五女若萃若昭  
若華若倫若憲陳后主時宮人袁大捨等女傅士宋孝  
武朝韓蘭英○女子爲男官者女將軍晉王廞起兵顧  
深母孔氏年百餘以爲軍司馬廞復以已女爲貞烈將  
軍唐行營節度許叔異以衛州女子侯氏滑州女子唐  
氏青州女子王氏歃血赴義奏授爲果毅陳女白頸鷄  
爲契丹懷化將軍侍夫數十人○女子執國政者齊陸  
太姬司綸綽者唐上官婕妤司中事者漢曹大家主兵  
者唐平陽公主洗夫人○女子詐爲男子而有官位者

齊揚州議曹錄事婁唐昭義軍兵馬使國子祭酒石  
氏朔方兵馬使御史大夫孟氏蜀司戶叅軍黃崇嘏楊  
升菴詩話又有女校書薛濤女進士林妙玉濤乃稱謂  
之詞妙玉宋女童應試封孺人

宛平女餘編

紀異舜日重童子項羽目重童子文王四乳宋范鎮之  
兄磁四乳磁子亦四乳大禹胸折而生老子剖左腋而  
生項橐八歲爲孔子師漢書註卽達巷黨人長狄身橫  
九疇斷其首而載之眉見於軾見公羊傳秦時翁仲身  
長二丈三尺王莽時巨毋霸身長一丈腰大十圍北齊  
盧曹率其徒自薊入海島得長人骨以髑髏爲馬皂脛

長丈六尺以爲二稍梁昭明太子蕭統五歲能徧誦五  
經何遜八歲能賦詩唐權德輿四歲能賦詩漢韋賢子  
玄成平當子宴父子宰相唐李吉甫子德裕崔慎由子  
胤父子宰相宋呂夷簡子公著范仲淹子純仁父子宰  
相張仲師長尺二寸見論衡周靈王生而有髭髯唐高  
祖皇太后竇氏生而髮垂過頸宋呂文德魁梧勇悍足  
長尺有咫唐李光弼母有鬚數十長五寸許封韓國太  
夫人張僕射齊賢每食肥肉數斤宴客吏竊視投大桶  
滿文王十三而生伯邑考十五而生武王武王八十一  
而生成王魏崔琰鬚長四尺晉王育鬚長三尺前趙劉

淵鬚長三尺當心有赤毫毛三根長三尺六寸淵子曜  
身長九尺三寸垂手過膝生而白眉鬚髯長五尺元胡  
天淵髯長數尺國朝石亨鬚垂至膝梁羊侃用弓至二  
十餘石馬上用六石嘗於兗州堯廟踢壁直上至五尋  
橫行得七跡泗橋有數石人長八尺大十圍執以相擊  
悉皆破碎後魏奚康生驍勇絕人彎弓十石宋岳飛有  
神力能挽弓三百斤弩八石甘羅十二爲秦相後魏闕  
駟一飯三升乃飽唐忠義傳張興長七尺一飯至斗米  
肉十斤持刀五十斤戰國廉頗一飯斗米肉十斤宋梁  
灝八十二歲狀元及第子固亦狀元及第漢高祖左股

有七十二黑子我太祖面具七十二星痣漢宣帝遍身及足下皆有毛梁天監中鍾離人顧思遠年一百一十二歲以家闕養猶挺又行部伍普通中荊州上津鄉人張元始年一百一十六歲膂力過人進食不異至年九十七方生兒兒遂無影後魏羅結一百一十歲爲侍中外都大官總三十六曹事歸老又十年卒唐申州節度使吳元濟山首燕頤垂頤鼻長六寸晉王司馬保體重八百斤後魏楊大眼以長繩三文許繫髻而走繩直如矢馬馳不及隋開皇中始與人麥鐵杖驍勇有膂力日行五百里走及奔馬五代梁王彥章戰用二鐵鎗皆重

百斤一置鞍中一在手漢干定國飲酒至數石不亂漢  
袁安自安及逢四世五公又楊震自震至彪四世太尉  
唐蕭瑀自瑀逮邁八世宰相北齊王敬則兩腋下生乳  
各長數寸又東陽女子婁逞變服詐爲丈夫仕至揚州  
議曹從事梁武帝身映日無影爲兒時能蹈空而行梁  
簡文帝髮垂委地讀書十行俱下漢光武讀書七行俱  
下南宋世祖讀書七行俱下

新知錄

紀同周左丘明春秋時左丘明唐張說宋張說漢張儉  
宋契丹張儉姚秦王猛陳王猛春秋王豹戰國王豹漢  
吳祐元吳祐唐王溥宋王溥漢龔遂國朝龔遂春秋魏

相漢魏相隋李綱宋李綱漢李膺梁李膺陳王通隋王  
通晉張載宋張載後魏王建唐王建五代梁王建漢吳  
良國朝吳良唐王珪宋王珪晉張華南燕張華漢昭帝  
時衛尉王莽漢末篡位王莽吳孫登晉孫登北齊王則  
宋王則後漢王霸又隱逸王霸前漢丞相公孫弘後漢  
虞延傳幽州從事公孫弘漢朱買臣梁朱買臣漢胡廣  
國朝胡廣漢李廣北齊李廣戰國王歡晉王歡唐楊巨  
源宋楊巨源晉李密唐李密晉王祥梁王祥吳劉基國  
朝劉基漢楊雄隋楊雄梁侯景北齊侯景戰國工良漢  
王良梁王志縱囚來歸隋王伽縱囚來歸唐太宗縱囚

來歸春秋臧文仲山節藻梲又管仲山節藻梲戰國田  
單火牛宋王則火牛晉羊篇官清留犢唐時苗官清留  
犢西漢石奮併四子皆二千石號萬石君東漢馮楊八  
子皆二千石號萬石君晉師曠食辨勞薪東晉牛鐸食  
辨勞薪漢文帝前席賈生齊文帝前席蘇綽後周陸通  
孝母湧泉出魚唐姜詩孝母湧泉出魚齊景公二桃殺  
三士梁張纘一杯酒殺三士孟母三遷范蠡三遷戰國  
馮驩焚券書南宋顧覲之焚券書漢孝武以術致李夫  
人晉孝武以術致殷淑儀晉何曾日食萬錢猶云無下  
箸處又任愷一食萬錢猶云無下箸處唐太宗田宮女



三千人唐憲宗出宮女三千人唐文宗出宮女三千人唐肅宗出宮女三千人晉中朝八達又中興八達漢張綱單騎降賊唐郭子儀單騎見虜宋宗澤單騎降賊漢陽王孫羸葬晉皇甫謐衣葬漢應奉有記性平生識半面不忘北齊楊愔有記性平生識半面不忘漢曹娥尋父溺江唐饒娥尋父溺江漢李固杜喬稱李杜又杜密李應稱李杜唐李白杜甫稱李杜宋呂蕢登第娶瞽女又劉庭式登第娶瞽女漢關羽單騎斬顏良南宋薛都安單騎斬魯爽晉王子猷觀竹不問主又袁粲觀竹不問主周老聃生而髮盡白元余闕生而髮盡白

新知錄

空桑氏以地紀空桑者兗鹵也其地廣絕高陽氏所嘗  
居皇甫謐所謂廣桑之野者或云窮桑非也窮桑在西  
少顛之居若乃伊尹之生共工氏之所灌則陳留矣

史

蘇秦累投諸國不遇嘗嘆曰無慚賤而不羞貧後佩六  
國相印果衣錦還鄉自言曰蘇秦未遇回家日衣衫破  
碎形容醜父母見棄兄弟踈妻不下機嫂不有及其衣  
錦還鄉日馬裝金鞍光彩逸父母出門含笑迎妻嫂見  
時先跪膝蘇秦只是舊蘇秦往日何踈今日親自家骨  
肉尚如此何況悠悠陌路人人皆歡悅嘆之

錦帶賦註

婁逞齊東陽女子也變服爲丈夫能棊解文義仕至揚州從事後事覺始作婦人服歎曰有如此技還作老嫗

崔惠傳

翟公爲廷尉賓客闐門及廢門外可設雀羅翟公復爲廷尉賓客欲往翟公乃大署其門曰一死一生乃知交情一貧一富乃知交態一貴一賤交情乃見

漢書

司馬相如與臨邛令王吉相善往舍都亭臨邛中富人卓王孫爲具召之并召令酒酣令前奏琴曰竊聞長卿好之願以自娛相如辭謝爲鼓一再行其詞曰鳳兮鳳兮歸故鄉遨遊四海求其皇時未過今無所將何期今

夕兮升斯堂有豔淑女在閨房室邇人遐毒我腸何緣  
交頸爲鴛鴦胡頡頏兮共翱翔鳳兮鳳兮從我棲得托  
萃尾末爲妃交情通體心相怡中夜相從知者誰雙翼  
俱起翻高飛母感我心使余悲是時卓王孫有女文君  
新寡故相如繆與令相重而以琴心挑之文君竊從戶  
窺心悅而好之旣罷相如乃使人重賜文君侍者通殷  
勤文君夜亡奔相如相如乃與馳歸成都居貧愁懣以  
所着鷓鴣裘就市人陽昌貰酒與文君爲懽旣而文君  
抱頸而泣曰我平生富足今乃以衣裘貰酒盍歸臨邛  
從昆季假貸猶足爲生相如乃俱至臨邛置酒舍令文

君當壚相如親著犢鼻褌滌器以恥王孫王孫果以爲  
病乃厚給文君○文君與相如書曰春華競芳五色凌  
素琴尚在御而新聲代故錦水有死漢宮有木彼物而  
親嗟世之人兮督于媼而不悟再與書曰朱絃斷明鏡  
缺朝露晞芳顏歎白頭吟傷離別努力加飡母念妾錦  
水湯湯與君長訣○長卿素有消渴疾及還成都悅文  
君之色遂以發痼疾乃作美人賦欲以自刺而終不能  
改卒以此疾致死文君爲誄曰嗟嗟夫子兮亶通儒少  
好學今綜羣書縱橫劍伎兮英敏有譽尚慕往哲兮更  
名相如落魄遠遊兮賦子虛畢爾壯志兮駟馬高車憶

昔初好兮雍容孔都憐才仰德兮琴心兩娛末託爲妃  
兮不恥當壚生平淺促兮命也難扶長夜思君兮形影  
孤步中庭兮霜草枯鴈鳴哀哀兮吾將安如仰天太息  
兮抑鬱不舒訴此淒惻兮疇忍聽予泉穴可從兮願殞

其軀

彤管遺編

漢任安爲衛將軍舍人與田仁會俱爲舍人居門下同  
心相愛此二人家貧無錢用以事將軍家監家監使養  
惡齧馬兩人同牀卧仁竊言曰不知人哉家監也任安  
曰將軍尚不知人何乃家監也衛將軍從此兩人過平  
陽主主家令兩人與騎奴同席而食此二子拔刀列斷

席別坐主家皆怪而惡之莫敢呵其後有詔募擇衛將軍舍人以爲郎將軍取舍人中富者令具鞍馬絳衣玉貝劔欲入奏之會賢大夫少府趙禹來過衛將軍將軍呼所舉舍人以示趙禹趙禹以次問之十餘人無一人習事有智畧者趙禹曰吾聞將門之下必有將類傳曰不知其君視其所使不知其子視其所友今有詔舉將軍舍人者欲以觀將軍而能得賢者文武之士也今徒取富人子上之又無智畧如木偶人衣之綺繡耳將柰之何於是趙禹悉召衛將軍舍人百餘人以次問之得田仁任安曰獨此兩人可耳餘無可用者衛將軍見此

兩人貧意不平趙禹去謂兩人曰各自具鞍馬新絳衣  
兩人對曰家貧無用具也將軍怒曰今兩君家自爲貧  
何爲出此言鞅鞅如有移德于我者何也將軍不得已  
上籍以聞有詔召見衛將軍舍人此二人前見詔問能  
畧相推第也田仁對曰提桴鼓立軍門使士大夫樂死  
戰鬪仁不及任安任安對曰夫決嫌疑定是非辨治官  
使百姓無怨心安不及仁也武帝大笑曰善使任安護  
北軍使田仁護邊田穀於河上此兩人立名天下

漢書

霍去病父仲孺河東人以縣吏給事平陽侯家與侍女  
衛小兒私通生去病仲孺吏畢歸家娶婦生光因絕不



相聞久之去病爲驃騎大將軍擊匈奴道出河東河東  
太守郊迎至平陽傳舍遣吏迎仲孺趨入拜謁將軍迎  
拜因跪曰去病不早知爲大人遺體也仲孺叩頭曰老  
臣得託命將軍此天力也去病爲仲孺大買田宅奴婢  
而去

庶訪

人生有命苟合富貴當貧賤困阨時人不能殺天亦不  
能殺也漢竇廣者竇后弟年四五歲爲人所略賣傳十  
於家至宜陽爲其主人入山作炭暮卧岸下百餘人岸  
崩盡厭殺卧者少君獨脫不死自卜數日當爲侯之長  
安聞皇后新立家在觀津姓竇氏廣國去時雖少識其

縣名反姓又嘗與其姊採桑墮用爲符信上書自陳召  
問果是封章武侯宋李遵勗生數歲相者曰是當以姻  
戚貴少學騎射馳冰雪間馬逸墮崖下衆以爲死遵勗  
徐起亡恙也及長舉進士大中祥符間尚萬壽公主兩  
人起貧賤緣戚里富貴然瀕危得全殆似不偶

金壘子

雲貴人相傳諸葛武侯居隆中時有客至蜀妻黃氏具  
麴頃之麴具侯恠其速後潛窺之見數木人斫麥運磨  
如飛遂拜其妻求傳是術後變其制爲木牛流馬云侯  
初平南夷夜聞軍中多謳歌思歸遂召衆各與一磚曰  
若輩久苦行役欲還返耶枕此而卧詰朝抵家矣從者

果然不用命者終莫能歸今雲南管內有一城居民皆  
四川人云卽其後也雲貴土官堂後中門甚低出入必  
俯首云武侯遺制欲其敬朝廷也若有稍高其戶者輒  
禍起蕭牆矣苗民家家供祀武侯像取穀逐顆剝米以  
炊日不暇給云亦始自武侯俾終歲勤勞弗獲居間思  
叛也今雖苦難不敢違其法又聞武侯兵書匣在定軍  
山上壁立萬仞非人迹可登其匣色淡紅後則鮮明若  
更新者殆不可曉

說聽增紀

蕭穎士文章學術俱冠詞林負盛名而湮沈不遇常有  
新羅使至云東夷士庶願請蕭夫子爲國師事雖不行

其聲名遠播如此

翰林盛事

隆慶六年正月下旬

上有疾且有脫瘡在理越月稍

平以閏二月十二日出視朝既鳴鍾百官入班新鄭元

相高拱暨自閣出北上過

會極門望見

御路中

乘輿在焉疑曰

上不御座竟往

文華殿耶亟趨赴

乃有內使數輩飛馳而來傳呼宣閣下於是二臣疾趨

至乘輿所則

上已下

金臺怒色立欲就

乘輿諸

內使環跪於側

上見

至色稍平以

手執

衽甚

固有欲告語意

臣

卽奏曰

皇上爲何發怒今將何往

上曰吾不還宮矣

臣

曰

皇上不還宮當何之望

皇

上還宮爲是

上稍沉思曰你送我

臣

對曰

臣送皇

上於是釋衣衽而執

臣

手露腕以瘡示

臣

曰看吾

瘡尚未落痂也隨上

金臺立

上憤恨語

臣

曰我

祖宗二百年天下以至今日國有長君社稷之福爭柰

東宮小裏連語數次一語一頓足一握

臣

手

臣對曰

皇上萬壽無疆何爲出此言

上曰有人欺負我

臣對

曰是何人無禮

祖宗自有重法

皇上說與

臣

當依

法處治

皇上病新愈何乃發怒恐傷

聖懷

上不

答良久嘆語

臣

曰甚事不是內官壞了先生你怎知道

於是執臣手行人

皇極門下

丹墀

上呼茶於是

內侍設椅北向不坐乃移南向始坐而執臣手不釋如

故茶至乃以左手飲數口顧臣曰我心稍寧遂起由東

角門入至乾清宮門臣不敢入上牽臣手曰送我

既得旨乃敢入隨至寢殿上升榻坐猶執臣手蓋

自御路前至此皆執手未釋而顏色相顧眷戀之情藹

然言之流涕不忍言也時張居正朱希忠皆榻前叩頭

上猶執臣手臣鞠躬膝側不得下叩頭踟躕不安之甚

上見如此乃釋手臣始得下叩頭又與二臣同叩頭辭

出乾清宮門外候旨須臾內侍傳宣閣下二臣復

入候立寢殿丹墀有旨上來遂上殿至榻前上

已升座二臣跪承 旨 上從容曰朕一時恍惚又曰

自古帝王後事

下此二句聽不真意是豫備後事

卿等詳慮而行 臣等

叩頭出仍在 乾清宮門外候 旨須臾內侍傳 旨

着高閣老在宮門外莫去

臣

卽語張居正曰我留公出

形跡輕重難爲公矣公當同留吾爲奏之隨語內侍曰

奏知 皇上二臣都不敢去薄暮內侍傳 旨閣下着

在乾清宮門外宿

臣

拱卽內侍奏上曰

祖宗法度甚

嚴

乾清宮係大內外

臣

不得入晝且不可况夜宿乎

臣等不敢宿此然不敢去當出

端門宿於西闕內臣

房有

召卽至有傳示卽以上對舉足便到非遠也

上允之於是二臣乃就西闕內臣房宿臣夜不能寐披

衣坐候掖門開卽入候起居日數次明日亦如之旣

傳臣聖體稍安卽上札子曰臣聞聖體稍安不勝

慶幸今府部大臣皆尚朝宿不散宜降旨令各回

辦事以安人心而臣等仍晝夜在內不敢去卽擬

旨上請上以爲然卽時降旨百官皆散人心稍定

而臣等日間安如初又四日上覺益平愈臣問

安札子有御批字心稍安上遣內侍慰勞命還家

於是乃還上付托之意乃在執手告語之時此乃

顧命也慟哉至受顧命時已不能言無所告語矣隆



慶六年五月二十五日 上大漸未申間有 命召內

閣

臣拱

暨張居正高儀亟趨入 乾清宮遂入 寢殿

東偏室見 上已昏沉不省 皇后 皇貴妃擁於榻

皇太子立榻右

拱

等跪榻前於是太監馮保以白緋揭

帖授

皇太子稱

遺詔又以白緋揭帖授

拱

內曰

朕嗣 祖宗大統今方六年偶得此疾遽不能起有負

先皇付托東宮幼小朕今付之卿等三臣同司禮監協

心輔佐遵守

祖制保固皇圖卿等功在

社稷萬世

不泯

拱

讀既慟不能勝卽哭奏曰

臣

受

皇上厚恩誓

以死報

東宮雖幼

祖宗法度有在

臣

務竭盡忠力

輔佐 東宮如有不得行者臣不敢愛其死望 皇上

無以後事爲憂且奏且哭已大慟長號不能止 兩宮

亦皆失聲哭於是二內臣扶拱起遂長號以出嗚呼慟

哉蓋拱見得居正與保內外盤結已固事勢必不可爲

故有誓死之奏不復有其身矣至二十六日卯初刻

上崩拱等聞報哭於閣中而居正雖哭乃面有喜色揚

揚得意儀私謂拱曰不見張公意態耶是誠何心國家

之禍不知所終矣是日巳刻傳 遺旨着馮保掌司禮

監印蓋 先帝不省人事已二三日今又於卯時升遐

矣而已時傳 旨是誰爲之乃保矯詔而居正爲之謀

也 旨出百官駭愕相顧失色閭巷小民亦皆驚惶奔走不寧而獨居正喜動顏色不能自禁閣中官僚吏卒無不見之至二十七日馮保打出一報內開 遺詔與皇太子朕不豫皇帝你做一應禮儀自有該部題請而行你要依三閣臣并司禮監輔導進學修德用賢使能無事息荒保守帝業報出人心大駭以爲宦官安得受顧命且此 詔 今上領受之矣保安得取而打報蓋欲專權亂政故以此示天下以爲吾乃受顧命之人先帝有托乃可以任其所爲而莫敢誰何也然不知二遺詔者皆居正所爲前三月十六日忽報 上疾重閣

下宜赴

宮門候宣

拱

與居正卽趨入至恭默室迤北

有若正心腹吏姚曠手持紅緋套內有揭帖半寸許厚

封緘完固自後飛走而過

拱

問送與何人曠答云與馮

公公卽疾馳而入蓋不知其主人瞞我而遂直言之也

拱

卽問居正是何所言居正面赤惶怖遽荅云乃遺

詔事宜耳

拱

默然以爲我當國凡事當自我同衆而處

獨奈何於斯際而有私言於保乎此中必有播弄之事

故瞞我而私言之也待看待看至是

拱

奉

遺詔又得

皇太子遺詔皆有同司禮監之說乃知居正蓋爲馮保

謀也嗟乎自古有國以來曾未有宦官受顧命之事居

正欲憑藉馮保內外盤據窺伺 朝廷盜竊國柄故以  
顧命與司禮監而次日卽傳馮保掌司禮監印大權悉  
以歸之而托其爲主於內以蔽 主上威百僚使人莫  
敢我何其欺 先皇之旣崩欺 今上之在幼亂 祖  
宗二百年之法度爲國家自古以來未有之大事嘻亦  
忍心哉亦大膽哉天地鬼神有靈 祖宗 先帝有知  
必然鑒察保粗識三二字言不能成文居正凡欲有所  
爲必捏 旨寫與保瞞 皇上不知只說是司禮監所  
擬當行者乃卽以爲 聖旨而傳行之欲要寵則要寵  
欲害人則害人惟其所爲無不立遂者而又佯爲不知

以爲出自上意我無可奈何也此事以爲常指鹿爲馬無敢不言馬者朝臣被其威劫不復敢言矣

病榻遺言

司馬溫公元豐末來京都人奔競觀之卽以相公目之左右擁塞馬至不能行及謁時相於私第市人登樹騎屋窺瞰之隸卒或止之曰吾非望爾若願識司馬公耳至於呵叱不避而屋瓦爲之碎樹枝爲之折及薨京師之民罷市而往吊謁衣以致奠巷哭以過車者蓋以千萬數上命戶部侍郎趙瞻內侍省押班馮宗道護其喪歸葬瞻等還言民哭公哀甚如哭其私親四方來會葬者數萬人而嶺南封州父老相率致祭且作佛事以薦

公者其詞尤哀炷香於手頂以送公葬者九百餘人京師民畫其象刻印粥之家至一本飲食必祝焉四方皆遣人購之京師時畫工有致富者張淏雲谷雜識謂千古一人而已余謂溫公之後又有一人焉余鄉海忠介是也忠介久居田里歲癸未起南京都察院入京之日黃童白叟填溢街巷以觀公凡鄉民過其第者必求一見踵相接也公每歸私第輒危坐聽事不退居亦不閉門以便鄉民之求見者公問見我何爲欲言事乎鄉民叩首無事止願一見滄翁顏貌耳自朝至暮不少休及卒於官人爭畫其像畫士亦多致厚資還櫬之日老幼

提携頂鑪香夾道呼海爺爺號泣如喪考妣傾城皆至  
舟次罷市數今江南郡邑相傳公已爲神皆尸祝於家  
每於公歿日相率追薦至有費千金設一醮者此與溫  
公何異夫溫公在宋嘗爲執政君子謂其有旋乾轉坤  
之功故人皆歸之忠介未嘗一日得行其志而人之歸  
之亦與田夫野老皆號爲司馬相公婦人孺子亦知其  
爲君實者同一悅服此豈可以聲音笑貌爲哉第忠介  
得於人者與溫公同得於天者則不及溫公遠甚溫公  
有子康官至侍讀忠介則黑衣之綴蔑如天之報施善  
人又何異耶溫公身後又有不幸者紹聖初章惇蔡卞



請發塚斷棺帝不許乃奪贈謚卞所立碑復貶崖州司  
戶叅軍蔡京用事復降正議大夫至列名於奸黨之碑  
若忠介則蓋棺之後人無異言令聞不已此又温公所  
不能得於公者也

李氏疑擢

五季之亂費氏與諸葛氏自蜀徙鉛山卽漢大將軍禕  
之苗裔也其後西州諸費名位顯融數傳而應麒公生  
璠璠生宏次完宏爲鵝湖先生舉成化丁未第一人歷  
相武宗世宗謚文憲完生懋文官臨示令懋文生堯年  
是爲太僕公按憲章錄曰費宏正德中與李東陽楊廷  
和輔政時四方群盜充斥以次削平時寔濠蓄異志以

婁妃故數使人結納公婁妃與公夫人兄弟也公峻拒之解官歸鄉里肅皇帝卽位首召宏進少保時水旱相仍宏陳救荒十事上嘉納之又請蠲逋負減太僕寺馬價十五以輕賞之美給漕卒議安大同叛軍皆宏謀也丁亥疾去張孚敬歸起宏於家宏至見便殿上親勞之賜圖書一文曰舊輔元臣時時燕見密議奏對皆稱旨亡何卒上痛悼輟朝宏恭慎謙抑明習國家故事能持重得大體故三入政府以功名始終云太僕公官順德更官汀州薦劾交上會新鄭高公新拜冢宰首擢太僕丞慰諭慇懃晉尚壘卿公蒸蒸色養及臨武公與太夫

人相繼委世沈痛鉅創茹哀骨立公嘗治第邑中制極  
弘敞念鵞湖書院鞠爲茂草臨沒遺言讓於襟紳妥四  
賢於上集群英於下佐以負郭之田百畝禴祀饗殮共  
食其稅焉夫人楊氏有完德太僕內外一切夫人寔左  
右之史氏曰胤慧裁機室濃曳浣剽姪非艱夫人則宜  
內德鍾祇慈徽賁管女宗母師千齡堪纂夫令概可見  
矣太僕子元祿慈孝特篤居然相種麟駒天下士無不  
知元祿者客謂其才藻豔逸文章繁富若挂鏡於胸縣  
珠於目豈欺我者哉七世卿族清朝所希不可謂非世  
德祚也

第一百二卷

紀麗部五

衡品上

四種

卓然獨見

匹夫登相

非五霸

孔子罪湯

林宗辭疾

四千人誅

李固宋璟

賢愚不係世類

極似風流

吳士第一

無足恃

臣之力

以長續短

善用短

讀書識字

有公論

確論

朱崖店嫗

三拘

泥字韻

非非國語

比赤壁尤奇

鳳鳥去

朱文公顛倒人物

始皇功在萬世

劉氏鴻書卷之乙百二

明 宣城劉仲達 纂輯

紀龐部 五

太史湯賓尹 刪正

衡品

大抵人才有四種德量爲上氣節次之學術又次之材  
能又次之欲求成材四者不可不備論所不足則材能不  
如學術學術不如氣節氣節不如德量然人亦安能皆  
全顧各有偏勝亦視其所成之者如何故德量不可不  
養氣節不可不激學術不可不勤材能不可不勉苟以是  
存心隨所成就亦便不作中品人物唐人房喬裴度優

於德量宋璟張九齡優於氣節魏鄭公陸贄優於學術  
姚崇李德裕優於材能姚崇蔽於權數德裕溺於愛憎  
則所勝者爲之累也汝曹方讀唐書當以是類求則有  
益其他瑣細與無用之空文不足多講徒亂人意爾

錄話

避暑

或問古人卓然獨見者誰爲最先生曰伊尹或曰何爲  
先生曰伊尹去堯舜之世已遠絕無師承堯傳之舜舜  
傳之禹自此以往寂寥數百載伊尹斷然號於人曰予  
天民之先覺者也及湯學於伊尹故湯得伊尹之傳曰  
文武曰周公曰孔子由此傳之也不是獨見得到何由

敢自任如此

張九思

嘗怪傳說以匹夫而登相位不由薦舉不由人望不由家世不由勲業不由資序而當世物論遂信之而不疑何哉嗚呼此不可以常情論也有高宗有傳說則可君非高宗臣非傳說則必有私意用人而不合於公議者矣漢文帝以夢得鄧通光武以識用王梁此豈足信哉後世用人者當如堯帝試舜斯可矣

詳書攷索

齊桓之霸也不以戰勝猶有湯武之遺乎伯至文而衰矣宋襄之亟辱也楚莊之憐志也秦繆公之主盟也焉得五

弁州劄記



孔子罪湯武之意深矣曰成湯放桀于南巢惟有慚德  
曰武盡美矣未盡善也伊尹相湯者也無一辭及之伯  
夷非武王者則屢稱之序湯誓曰伊尹相湯伐桀仲虺  
之誥曰成湯放桀序泰誓曰武王伐殷洪範曰武王勝  
商殺紂書法謹嚴含蓄讀者未知其爲罪之之辭陸淳  
曰太公殷臣紂暴不諫反佐周傾之聖人宗堯舜賢夷  
齊不贊伊尹謂此也

吹劍錄

郭林宗每行宿逆旅輒躬自灑掃明去後人至見之曰  
此必郭有道作宿處也及卒蔡伯喈爲作碑曰吾爲人  
作銘未嘗不有慙容唯爲郭有道碑頌無愧耳初以有

道君子微泰曰吾觀乾象人事天之所廢不可支也遂  
辭以疾

太平御覽

郗超有曠世之度每有寒素後進力引拔之死日爲其  
作誄者四千餘人

獨異志

李固以忠直名一時而胡粉飾貌宋璟剛直難犯而善  
擊羯鼓皆不類其爲人然固之傳粉或出梁冀誣謗之  
語乃漢魏間人以傅粉爲常陳思王何平叔皆爲之不  
足異也璟之習羯鼓亦以明皇所尚故臣庶從風耳要  
皆不足以累二公之賢至於趙清獻宰清城而挈伎以  
歸胡銓浮海生還而戀黎情絕與二公爲人不類乃知

蘇子卿娶胡婦誠非虛語

文海披沙

唐盧懷慎爲伴食中書而其子奕抗賊死節奕子杞奸邪誤國而杞子元輔簡潔貞方爲時論歸美謝車騎曰我乃生奐奐安得不生靈運信乎賢愚不係於世類也

唐書

項王喑啞叱咤當是極粗豪男子而眷戀虞姬臨亡不舍蘇子卿吞羶嚙雪視死如歸而不免娶胡婦生子關雲長忠肝義膽可對天日而啓曹公求秦宜祿妻曹又疑而自取之趙閱道爲鐵面御史乃悅一營妓令老兵夜召之有頃又令人促之范文正守鄱陽屬意小妓旣

去乃以詩寄魏介而取之此數公事皆與其人絕不相類當是色戒未易破除宋璟正色立朝而善荆鼓賦梅花又似極風流人物尤不可曉

文海披沙

或謂吳郡陸喜曰薛瑩於吳士當爲第一乎喜曰孫皓無道吳國之士沈默其體潛而勿用者一也避尊居卑祿以代耕者二也侃然體國執政不懼者三也酌量時宜時獻微益者四也溫恭修慎不爲諂諛者五也過此以往不足復數故彼上士多淪沒而遠悔吝中士有聲位而近禍殃觀瑩之處身本末其四五之間也

涉世雄談

魏文侯問孤卷子曰父子兄弟臣賢足恃乎對曰父賢

鴻書  
不過堯而丹朱傲子賢不過舜而瞽瞍拘兄賢不過舜而象傲弟賢不過旦而管誅臣賢不過湯武而桀紂伐君欲理國賢可恃也

晉平公問於叔向曰昔者齊桓公九合諸侯一匡天下不識其君之力其臣之力乎對曰管仲善制割隰朋善削縫賓胥無善純緣桓公知衣而已亦其臣之力也談苑

韓子曰西門豹性急佩韋以自緩董安於心緩佩帶以自急故能以有餘補不足以長續短之謂明主藝文類聚

李諧字虔和清豐人風流文辯歷中書侍郎因瘦而舉頤因跛而緩步因蹇而徐言人稱其善用三

樂菴李氏曰人讀書須是識字孔光不識進退字張禹  
不識剛正字許敬宗不識忠孝字柳宗元不識節義字  
書抄

晉王大將軍下庾公問聞卿有四友何者是荅曰君家  
中郎我家太尉阿平胡母彥國阿平故當最劣庾曰似  
未肯劣庾又問何者居其右王曰自有人又問何者是  
王曰噫其自有公論左右躡公公乃止

世說新語

唐貞觀二年上宴侍臣謂王珪曰卿識鑒精通尤善談  
論自房玄齡等咸宜品藻又可自量與諸子孰賢珪對  
曰孜孜奉國知無不爲臣不如房玄齡才兼文武出將

入相臣不如李靖敷布詳明出納惟允臣不如溫彥博  
剴繁理劇衆務必舉臣不如戴胄諫諍爲心恥君不及  
堯舜臣不如魏徵至於激濁揚清嫉惡好善臣於數子  
亦有微長太宗深然其言羣公亦各以爲盡已所能謂  
之確論

正史全編

盧多遜南遷朱崖逾嶺憇一山店店姬舉止和淑頗能  
談京華事盧訪之姬不謂盧也曰家故汴都累代仕族  
一子事州縣盧相公逆法治一事子不能奉誣竄南方  
到方周歲盡室淪喪獨殘老軀流落居此意有所待盧  
相欺上罔下倚勢害物天道昭昭行當南竄未亡間廢

見於此以快宿憾爾因號呼泣下盧不待食促駕而去  
大唐新語

皇祐中長沙有三拘開福長老每季一剃頭而致任樊  
著作三日一開頂一拘也蘇推官喪父樂飲林察推喪  
妻廬墓二拘也時有邊臣爲守非賂不行孔目官陸靜  
平生不授賕三拘也

姑蘇之被圍也唐伯剛和人泥字韻云玉樓金屋愁如  
海布襪青鞋醉似泥謂當時居權要者不如處閑散之  
樂也王元載亦誦一詩云二十四友金谷宴千三百里  
錦帆遊人間無此榮華樂無此榮華無此愁此詩意與



前詩亦相類

堯山堂外紀

宋劉章嘗魁天下有文名病王克作刺孟柳子厚作非國語乃作刺刺孟非非國語江端禮亦作非非國語是非非國語有三書也同邪異邪今以子厚之書攷之大率闢庸蔽怪誣之說耳雖肆情亂道時或有之然不無可取者其非滅密也曰康公之母誠賢邪則宜以淫荒失度命其子焉用具之以數且以德大而後堪則納三女之奔德果何如若勿受之則可矣教子而媚王以女非正也斯乃正論未可盡非至其非三川震曰山川者天地之物也陰與陽者氣而遊乎間也自動自休自時

自流是惡乎與我謀自鬪自竭自崩自缺是惡乎爲我  
設此則肆情亂道甚矣是天變不足畏之所從出也所  
以來三子之喙與

雙槐歲抄

宋虞雍公戰伐之奇妙筭之策忠烈義勇爲南宋第一  
與張魏公相上下特魏公有南軒爲之子而朱子亟稱  
之遂大顯揚雍公無人發其茂績耳丘文莊公曰古今  
水戰采石比赤壁尤奇且難周瑜主將而允文書生也  
瑜握重兵而允文空拳也瑜有孔明爲犄角而允文隻  
手也以此較之難易見矣可謂不易之論

代醉編

王安石子雱嘗稱商鞅爲豪傑之士言不誅異議者法

不行安石亦有詩云今人未可非商鞅商鞅能令法必  
行父子間議論如此雱卒安石哭之詩云斯文信有寄  
天豈偶生才一日鳳鳥去千年梁木摧介甫氣壓天下  
乃以孔子讓其兒可笑也

金聖子

朱文公談道著書百世宗之愚詳觀其評論古今人品  
誠有違公是而遠人情者王安石引用姦邪傾覆宗社  
元惡大憝也乃列之名臣錄稱其文章道德文章則有  
矣焉有引用姦邪而可名爲道德邪蘇文忠公文章忠  
義古今所同仰也乃力詆之謂得行其志其禍甚於安  
石孔子曰吾之於人也誰毀誰譽如有所譽其有所試

文公解之曰善善速而惡惡則已緩矣又曰但有先褒之善而無預詆之惡信斯言也文公於此惡惡得爲緩乎無乃自蹈於預詆人之惡也夫以安石之姦則未減其已著之罪以蘇子之賢則巧索其未形之班此心何心哉或曰不惟此也秦檜之姦人欲食其肉者也文公稱其有骨力岳飛之死天下垂涕者也文公譏其橫又譏其直向前廝殺漢儒如黃賈之流皆一一議其言之疵匡衡之言頗純粹無疵文公則曰匡衡好懷挾其不成人之美例如此諸葛亮則名其爲申韓陶淵明則譏其爲莊老韓文公則文致其太顛往來之書疊疊千餘

言女詆之必使之不爲全人而後已蓋自周孔以下無一人逃其議古人謂君子當於有過中求無過不當於無過中求有過文公語錄論人皆無過中求有過者也觀其與同時二三同道私地評論之說直似村漢罵街詞訟訐絞豈有道氣象耶或者門人記錄之過朱子無忠臣遂至此歟

灼艾集

世世在人者如周孔禮樂亡論若大禹河洛而下則秦皇漢武亦不得而終沒之也粵西諸土官日逐干戈糜爛其民無時休息民生居土州縣者曾不及中土一貓犬蠅蟲乃知秦始皇郡縣之功在萬萬世也其所全活

後世人足贖驪山阿房長城五嶺數百萬命長城今雖  
沒特諱其名爲邊牆今制亦其遺也卽今所用尊君卑  
臣禮亦不能易漢武以前兩浙八閩二廣咸夷也武帝  
奮武捷伐用夏變夷於江南亦有萬世功不得槩以征  
伐貶之其他則如蜀守李冰鑿離堆導汶至今千溪萬  
瀆蜀之千里沃野賴此也馬伏波征交南立銅柱以誓  
交廣是處頌而祀之卽足跡未至者亦皆表其遺跡諸  
葛孔明平南七擒七縱滇人至今如天威在極緬莽萬  
里猶立其碑藉口稱漢地餘者近或不能易世遠或不

能易姓

五岳遊草